

雲雨之上而不知下之據望之若屯雲焉耳目所觀聽鼻口所納嘗皆非人間之有王實以爲清都紫微鈞天廣樂帝之所居王俯而視之其宮樹若累塊積蘇焉

希夷餌柏守微茹芝

唐史屬辭王希夷隱嵩山餌松柏雜葉年七十餘筋力柔彊明皇東巡詔見行在訪以政事與語甚悅

高道傳道士李守微不知何許人常遊蜀談論多滑稽不拘小節人常輕侮之忽謂人曰余將遊五嶽諸山今往矣或問求利術則曰浮生瞬息間盍尋真訪道脫灑塵網至若服氣鍊丹茹芝絕粒皆有益也何區區於利術哉遂遁去嘗與祠

道藏輯要

三洞羣仙錄

七

翼集四

部韓嶼友善嶼贈詩云一定童顏老歲華貧寒遊歷貴人家鍊成正氣功雖大忘却元神道更差烏曳鶴毛鞋羸庭杖携龍甲瘦查牙如何舊隱不歸去落盡蟠桃幾番花

番去聲

伯玉娶婦薊子還兒

三洞珠囊褚伯玉字元璩吳郡錢塘人父爲取婦入前門間伯玉從後門而出往剡居瀑布山修道又嘗遊南嶽路入閩中飛湍赴險伯玉舟航逼晚迴泊涯際而衝飈夕震山洪暴起激船於萬仞之上傾墜絕崖徒侶在前判其冰碎緣岨尋求已見伯玉怡然自若後至霍山鍊氣餐霞積年絕粒也

神仙傳薊子訓齊人舉孝廉除郎中又爲都尉年二百餘顏